



Broj: 05/01-05-11297/16
Sarajevo, 08.04.2016.godine

KANTON SARAJEVO
SKUPŠTINA KANTONA SARAJEVO
N/r Predsjedateljice

PREDMET: Odgovor na zastupničko pitanje zastupnika Rasim Smajić-dostavlja se

V E Z A : Akt Skupštine Kantona Sarajevo broj:01-05-8918/16 od 31.03.2016.godine

Na 13. Radnoj sjednici Skupštine Kantona Sarajevo, održanoj dana 30.03.2016. godine, u okviru tačke dnevnog reda "Zastupnička pitanja, inicijative i odgovori", zastupnik Rasim Smajić je postavio slijedeće zastupničko pitanje:

"Moje zastupničko pitanje je upućeno bivšem Ministarstvu za stambena pitanja o realizaciji Odluke o dodjeli stanova mladima pod povoljnijim uslovima ("Odluka donešena u prošlom mandatu). Jesu li stanovi dodijeljeni, pod kojim uslovima i da li se isplaćuju? Molim da mi se dostavi odluka i spisak kome su dodijeljeni stanovi pod povoljnijim uslovima. Molim odgovor u pisanoj formi."

O D G O V O R:

Ministarstvo prostornog uređenja, građenja i zaštite okoliša Kantona Sarajevo koje je prema Zakonu o organizaciji i djelokrugu organa uprave i upravnih organizacija Kantona Sarajevo („Službene novine Kantona Sarajevo“, broj:2/12-Prečišćeni tekst, 41/12 i 8/15) preuzelo državne službenike i namještenike, arhivu, dokumentaciju i sredstva rada Ministarstva stambene politike ističe slijedeće:

Skupština Kantona Sarajevo je donijela Odluku o uslovima i načinu pokretanja nove stambene izgradnje u skladu sa prostorno-planskom dokumentacijom na području Kantona Sarajevo („Službene novine Kantona Sarajevo“, br: 13/08 i 14/10), koju Vam u prilogu dostavljamo.

Članom 4. stav (1) navedene Odluke je propisano:

„Vlada Kantona Sarajevo (u daljem tekstu: Vlada), svake godine donosi Odluku o kategoriji lica, uslovima i kriterijima za rješavanje stambenog pitanja putem kupovine stana pod povoljnijim uslovima, na koju saglasnost daje Skupština Kantona Sarajevo.“

Dakle, od 2008.godine Vlada Kantona Sarajevo svake godine donosi Odluku o kategoriji lica, uslovima i kriterijima za rješavanje stambenog pitanja putem kupovine stana pod povoljnijim uslovima, na koju saglasnost daje Skupština Kantona Sarajevo.

U 2015.godini Vlada Kantona Sarajevo je donejela Odluku o kategoriji lica, uslovima i kriterijima za rješavanje stambenog pitanja putem kupovine stana pod povoljnijim uslovima („Službene novine Kantona Sarajevo“, broj: 25/15) i Skupština Kantona Sarajevo je donijela Odluku o davanju saglasnosti na Odluku Vlade Kantona Sarajevo broj: 02-05-16501-4.1/15 od 28.05.2015.godine o kategoriji lica, uslovima i kriterijima za rješavanje stambenog pitanja putem kupovine stana pod povoljnijim uslovima („Službene novine Kantona Sarajevo“, broj: 26/15), koje Vam u prilogu dostavljamo.

U skladu sa navedenim Odlukama počev od 2008.godine, ranije Ministarstvo stambene politike Kantona Sarajevo, a sada Ministarstvo prostornog uređenja, građenja i zaštite okoliša

Kantona Sarajevo, provodi javne pozive i sačinjava rang liste kandidata svaki mjesec i iste dostavlja investitorima, a to su Kantonalni stambeni fond Sarajevo za stanove na lokaciji Dobrinja V, objekat E i objekat B, Općina Novi Grad i Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za stanove na lokaciji Rosulje 2, Općina Vogošća.

Postupak javnog poziva se provodi prema Odluci o kategoriji lica, uslovima i kriterijima za rješavanje stambenog pitanja putem kupovine stana pod povoljnijim uslovima i svaki mjesec Konačne rang liste sa imenima kandidata se objavljuju na web stranici Ministarstva.

Investitori su obavezni da odmah po dostavljanju Konačne rang liste kandidata koji ispunjavaju uslove i kriterije po Javnom pozivu za rješavanje stambenog pitanja putem kupovine stana pod povoljnijim uslovima, otpočnu i u roku od sedam dana pozovu sve kandidate prema utvrđenom redoslijedu konačne rang liste i u dogovoru sa njima potvrde njihovo opredjeljenje za kupovinu stana. Kandidati prema prihvaćenoj strukturi stana između Ministarstva prostornog uređenja, građenja i zaštite okoliša Kantona Sarajevo i investitora, odabiraju i rezervišu sebi odgovarajuću stambenu jedinicu. Po zaključivanju ovog dogovora između investitora i kandidata, investitori su obavezni ostaviti kandidatu rok od najmanje 30 dana za obezbjeđivanje sredstava za finansiranje kupovine stana i potom zaključuju kupoprodajni ugovor.

Prema tome, konačne rang liste sa imenima kandidata su transparentno i javno od 2008.godine objavljivane na web stranici Ministarstva.

S poštovanjem,

PRILOG:

- Odluku o uslovima i načinu pokretanja nove stambene izgradnje u skladu sa prostorno-planskom dokumentacijom na području Kantona Sarajevo („Službene novine Kantona Sarajevo“, br: 13/08 i 14/10),
- Odluka o kategoriji lica, uslovima i kriterijima za rješavanje stambenog pitanja putem kupovine stana pod povoljnijim uslovima („Službene novine Kantona Sarajevo“, broj: 25/15),
- Odluka o davanju saglasnosti na Odluku Vlade Kantona Sarajevo broj: 02-05-16501-4.1/15 od 28.05.2015.godine o kategoriji lica, uslovima i kriterijima za rješavanje stambenog pitanja putem kupovine stana pod povoljnijim uslovima („Službene novine Kantona Sarajevo“, broj: 26/15), u pisanoj i elektronskoj formi CD.

OBRADILA: Višnja Ljubijankić, pomoćnik ministra

DOSTAVITI:

- Predsjedateljici Skupštine Kantona Sarajevo
- Služba za skupštinske poslove
- Stručna služba Vlade Kantona Sarajevo
- Evidenciji
- Arhivi

MINISTAR

Čedomir Lukić, dipl.ing.arh.



web: <http://mpz.ks.gov.ba>
 e-mail: mpz@mpz.ks.gov.ba
 Tel: + 387 (0) 33 562-029, Fax: + 387 (0) 33 562-031
 Sarajevo, Reisa Džemaludina Čauševića 1



Na osnovu člana 18. stav (1) tačka b. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04) Skupština Kantona Sarajevo na sjednici održanoj 24. 4. 2008. godine, donijela je

ODLUKA**O USLOVIMA I NAČINU POKRETANJA NOVE STAMBENE IZGRADNJE U SKLADU SA PROSTORNO-PLANSKOM DOKUMENTACIJOM NA PODRUČJU KANTONA SARAJEVO****Član 1.**

(Predmet Odluke)

Odlukom o uslovima i načinu pokretanja nove stambene izgradnje u skladu sa prostorno-planskom dokumentacijom na području Kantona Sarajevo (u daljnjem tekstu: Odluka) regulišu se u javnom interesu uslovi, način i sredstva za pokretanje nove stambene izgradnje u cilju rješavanja stambenog pitanja, a posebno putem kupovine stana pod povoljnijim uslovima i određuje organ i tijelo za sprovođenje ove Odluke.

Član 2.

(Ciljevi)

Ciljevi odluke su: pokretanje i dinamiziranje izgradnje stambenih jedinica; racionalno korištenje prostora u skladu sa prostorno-planskom dokumentacijom; efikasna i konkretna primjena prostorno-planske dokumentacije; poboljšanje odnosa između objekata individualnog i kolektivnog stanovanja; izmijenjen odnos ponude i potražnje na tržištu; uticaj na vrijednost kvadratnog metra stambenog prostora i razvoj projekta na cijeloj teritoriji Kantona Sarajevo.

Član 3.

(Značenje pojedinih termina)

Termini upotrijebljeni u ovoj Odluci imaju slijedeća značenja:

- "Nova stambena izgradnja" je izgradnja novih stambenih jedinica na području Kantona Sarajevo;
- "Prostorno-planska dokumentacija" je javni dokument kojim se određuje svrshodno organiziranje, korištenje i namjena zemljišta, te mjere i smjernice za zaštitu prostora;
- "Kupovina stana pod povoljnijim uslovima" je obezbjeđenje uslova sticanja vlasništva stana pod povoljnijim uslovima od tržišnih;
- "Investiranje (Predinvestiranje)" je finansijsko ulaganje za stvaranje preduslova u cilju konačne realizacije investicija (izgradnje);
- "Investitor" je pravno ili fizičko lice u čije ime i za čiji račun se gradi građevina i vrše drugi zahvati u prostoru.

Član 4.

(Uslovi i način rješavanja stambenog pitanja)

- Vlada Kantona Sarajevo (u daljnjem tekstu: Vlada), svake godine donosi Odluku o kategoriji lica, uslovima i kriterijima za rješavanje stambenog pitanja putem kupovine stana pod povoljnijim uslovima, na koju saglasnost daje Skupština Kantona Sarajevo.
- Rješavanje stambenog pitanja putem kupovine stana pod povoljnijim uslovima vrši se na osnovu rang liste koju utvrđuje Vlada na osnovu javnog poziva, a na prijedlog komisije koju imenuje Vlada.
- Vlada, odnosno Ministarstvo stambenih poslova Kantona Sarajevo (u daljnjem tekstu: Ministarstvo) predinvestiranjem učestvuje u rješavanju imovinsko-pravnih odnosa i izgradnji komunalne infrastrukture na lokaciji koju odabere Ministarstvo direktno ili u saradnji sa Zavodom za planiranje razvoja Kantona Sarajevo, Zavodom za izgradnju Kantona Sarajevo i općinom na čijoj teritoriji se planira izgradnja.

Član 5.

(Sredstva za pokretanje nove stambene izgradnje)

- Sredstva za pokretanje nove stambene izgradnje u skladu sa ovom Odlukom, obezbjeđuju se iz sredstava predviđenih Budžetom Kantona Sarajevo, za svaku budžetsku godinu u skladu sa Programom koji je u prilogu ove Odluke.
- Način finansiranja nove stambene izgradnje realizuje se godišnjim Predinvestiranjem u imovinsko-pravno rješavanje i izgradnju materijalne infrastrukture za pokretanje stambene izgradnje u skladu sa prostorno-planskom dokumentacijom na području Kantona Sarajevo.
- Realizacija sredstava iz stava (1) ovog člana vrši se na osnovu sporazuma, koji Ministarstvo, uz saglasnost Vlade, zaključuje sa općinom na čijoj teritoriji se vrši izgradnja ili Fondom nad kojim Ministarstvo vrši nadzor nad zakonitošću rada.
- Sporazumom iz stava (3) ovog člana se definišu prava i obaveze učesnika u realizaciji, a posebno način izbora investitora, kao i njihovo pravo i obaveza po osnovu primljenih sredstava za predinvestiranje.
- Ministarstvo uz saglasnost Vlade zaključuje sporazum sa izabranim investitorom, utvrđuje broj, veličinu i cijenu stana po m² koji je investitor obavezan prodati licu iz člana 3. ove Odluke pod povoljnijim uslovima.

Član 6.

(Organi i tijela za sprovođenje ove Odluke)

- Utvrđivanje lokacija za predinvestiranje u cilju pokretanja nove stambene izgradnje vrši Ministarstvo samostalno ili u saradnji sa Zavodom za planiranje razvoja Kantona Sarajevo, Zavodom za izgradnju Kantona Sarajevo i općinom na čijoj teritoriji se planira izgradnja.
- Potpisivanje Protokola sa učesnicima u realizaciji predinvestiranja vrši Ministarstvo.
- Izbor investitora za izgradnju stambenih objekata vrši općina ili kantonalni fond nad kojim Ministarstvo vrši nadzor nad zakonitošću rada.

Član 7.

(Ravnopravnost spolova)

Gramatička terminologija u ovoj Odluci podrazumijeva uključivanje oba spola.

Član 8.

(Stupanje na snagu ove Odluke)

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-05-13935/08
24. aprila 2008. godine
Sarajevo

Predsjedavajući
Skupštine Kantona Sarajevo
dr. Denis Zvizdić, s. r.

Na osnovu člana 18. stav 1. tačka b.) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), a u skladu sa čl. 10, 311. stav 2. i 313. tačka 2. Zakona o privrednim društvima ("Službene novine Federacije BiH", broj 23/99, 45/00, 2/02, 6/02, 29/03 i 68/05), Skupština Kantona Sarajevo, na sjednici održanoj 24. 4. 2008. godine, donijela je

SLUŽBENE NOVINE

KANTONA SARAJEVO

Broj 14 – Strana 2

Četvrtak, 3. juna 2010.

finansirati iz vlastite djelatnosti, te u tom smislu Kanton Sarajevo nema nikakvih finansijskih niti drugih obaveza prema ovom Fakultetu.

Član 3.

(Prava i obaveze Fakulteta)

Fakultet za javnu upravu će sticanjem statusa pridružene članice Univerziteta u Sarajevu zadržati status pravnog lica, pridržavajući se svih prava i obaveza koje proizilaze iz Zakona o visokom obrazovanju Kantona Sarajevo, te drugih zakonskih propisa, Statuta Univerziteta u Sarajevu, podzakonskih akata, odluka koje donosi Senat, Upravni odbor Univerziteta u Sarajevu i druga tijela Univerziteta u Sarajevu koja imaju prava odlučivanja.

Član 4.

(Poseban ugovor)

Fakultet za javnu upravu će posebnim ugovorom sa Univerzitetom u Sarajevu precizirati prava i obaveze koje proizilaze iz odredaba Odluke Senata Univerziteta u Sarajevu broj 01-38-1800/09 od 17.06.2009. godine i drugih propisa koji regulišu oblast visokog obrazovanja.

Član 5.

(Besplatna edukacija)

Fakultet za javnu upravu će besplatno izvršiti edukaciju državnih službenika i namještenika Kantona Sarajevo prema planu koji će utvrditi Vlada Kantona Sarajevo u periodu od naredne dvije akademske godine, počevši od 2009/2010. akademske godine.

Član 6.

(Način vršenja edukacije)

Edukacija državnih službenika i namještenika vršit će se u sjedištu Kantona, pri čemu će Fakultet za javnu upravu u Sarajevu snositi troškove predavača, radnog materijala i certifikata o prisustvu na obuci.

Član 7.

(Stupanje Odluke)

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-16039/10
3. maja 2010. godine
Sarajevo

Predsjedavajući
Skupštine Kantona Sarajevo
Dr. Denis Zvizdić, s. r.

Na osnovu člana 18. stav (1) tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici održanoj 3. juna 2010. godine, donijela je

ODLUKU

**O IZMJENI ODLUKE O USLOVIMA I NAČINU
POKRETANJA NOVE STAMBENE IZGRADNJE U
SKLADU SA PROSTORNO-PLANSKOM
DOKUMENTACIJOM NA PODRUČJU KANTONA
SARAJEVO**

Član 1.

U Odluci o uslovima i načinu pokretanja nove stambene izgradnje u skladu sa prostorno-planskom dokumentacijom na području Kantona Sarajevo ("Službene novine Kantona Sarajevo", broj 13/08) u članu 4. stav (2) mijenja se i glasi:

(2) "Rješavanje stambenog pitanja putem kupovine stana pod povoljnijim uslovima vrši se na način utvrđen Odlukom iz stava (1) ovog člana."

Član 2.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-05-16032/10
3. juna 2010. godine
Sarajevo

Predsjedavajući
Skupštine Kantona Sarajevo
Dr. Denis Zvizdić, s. r.

Na osnovu člana 18. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04) i člana 4. stav (1) Odluke o uslovima i načinu pokretanja nove stambene izgradnje u skladu sa prostorno-planskom dokumentacijom na području Kantona Sarajevo ("Službene novine Kantona Sarajevo", broj 13/08), Skupština Kantona Sarajevo, na sjednici održanoj 3. juna 2010. godine, donijela je

ODLUKU

**O DAVANJU SAGLASNOSTI NA ODLUKU VLADE
KANTONA SARAJEVO BROJ 02-05-14990-51/10 OD
27.05.2010. GODINE O IZMJENI ODLUKE O
KATEGORIJI LICA, USLOVIMA I KRITERIJIMA ZA
RJEŠAVANJE STAMBENIH PITANJA PUTEM
KUPOVINE STANA POD POVOLJNIJIM USLOVIMA**

Član 1.

Daje se saglasnost na Odluku Vlade Kantona Sarajevo broj 02-05-14990-51/10 od 27.05.2010. godine, o izmjeni Odluke o kategoriji lica, uslovima i kriterijima za rješavanje stambenih pitanja putem kupovine stana pod povoljnijim uslovima.

Član 2.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-05-16030/10
3. juna 2010. godine
Sarajevo

Predsjedavajući
Skupštine Kantona Sarajevo
Dr. Denis Zvizdić, s. r.

Na osnovu člana 18. stav 1. tačka m) Ustava Kantona Sarajevo ("Službene novine Kantona Sarajevo", broj 1/06, 2/06, 3/06, 16/07, 14/00, 4/01 i 28/04) i člana 5. Odluke o obilježavanju ulica, trgova, parkova, mostova, institucija i ustanova imenima i zgrada brojevima na području Kantona Sarajevo ("Službene novine grada Sarajeva", broj 7/94) i ("Službene novine Kantona Sarajevo", broj 12/06), Skupština Kantona Sarajevo, na sjednici održanoj 3. juna 2010. godine, donijela je

ODLUKU

**O IZMJENI NAZIVA ULICA ILI DIJELOVA ULICA NA
TERITORIJU MJESNIH ZAJEDNICA "VELEŠIĆI" I
"GORNJI VELEŠIĆI" U OPĆINI NOVO SARAJEVO**

I.

U općini Novo Sarajevo na teritoriji mjesnih zajednica "Velešići" i "Gornji Velešići" vrši se izmjena naziva ili dijelova ulica kako slijedi:

1. Ulica Muhameda ef. Pandže od broja 1-17 (parni i neparni brojevi) mijenja se u naziv Trg "Fadile - Odžaković Žute";
2. Ulica Muhameda ef. Pandže, od objekta Hidromontaža (br. 17) do autobuske okretaljke Gornji Velešići, mijenja se u naziv ulica "1. Slavna - 111. Viteška brigada";
3. Ulica Velešići, od raskrsnice Muhameda ef. Pandže do strelišta Velešići, mijenja se u naziv ulica "Fikret Kavazović-Roki", a ostatak ulice zadržava stari naziv sa izmjenom brojeva;
4. Ulica Gornji Velešići, od broja 1 pa do raskrsnice ispod plinske stanice sa postojećim čikmama, mijenja se u naziv ulica "Velešićkih boraca" (što odgovara trasi minibuske linije);

stanova u vlasništvo Kantona Sarajevo do visine sredstava utvrđene Budžetom Kantona Sarajevo za ovu namjenu.

II

Ovlaštenje iz člana I ove Odluke odnosi se i na potpisivanje pojedinačnih ugovora o dodjeli stanova na korištenje licima koja ispunjavaju uvjete i iz člana 40. i 41. Zakona o dopunskim pravima boraca - branitelja Bosne i Hercegovine ("Službene novine Kantona Sarajevo", br. 45/12 - Prečišćeni tekst i 26/14) (u daljnjem tekstu: Zakon).

III

Ovlaštenje iz člana I ove Odluke daje se u svrhu realizacije prava iz člana 40. i 41. Zakona, odnosno obezbjeđenja uvjeta za dodjelu stanova na korištenje boračkoj populaciji po Zakonu propisanim uvjetima.

IV

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-05-18729/15	Predsjedavajući
24. juna 2015. godine	Skupštine Kantona Sarajevo
Sarajevo	Sejo Bukva, s. r.

Na osnovu čl. 17. i 21. stav (1) Zakona o visokom obrazovanju ("Službene novine Kantona Sarajevo", broj 42/13 - Prečišćeni tekst i 13/15) i čl. 119. Poslovnika Skupštine Kantona Sarajevo ("Službene novine Kantona Sarajevo", br. 41/12 - Drugi novi prečišćeni tekst, 15/13 i 47/13), Skupština Kantona Sarajevo, na sjednici održanoj dana 24.06.2015. godine, donijela je

ODLUKU

**O DAVANJU SAGLASNOSTI ZA OSNIVANJE
PRAVNOG FAKULTETA U OKVIRU
INTERNACIONALNOG UNIVERZITETA U SARAJEVU**

I

Daje se saglasnost za osnivanje Pravnog fakulteta u okviru Internacionalnog univerziteta u Sarajevu u skladu sa priloženim Elaboratom.

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-18731/15	Predsjedavajući
24. juna 2015. godine	Skupštine Kantona Sarajevo
Sarajevo	Sejo Bukva, s. r.

Vlada Kantona Sarajevo

Na osnovu člana 26. i 28. stav 2. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 29. stav 2. Zakona o ustanovama ("Službeni list R BiH", br. 6/92, 8/93 i 13/94) i člana 91. Zakona o osnovnom odgoju i obrazovanju ("Službene novine Kantona Sarajevo", broj 10/04, 21/06, 26/08, 31/11 i 15/13), Vlada Kantona Sarajevo, na 10. sjednici održanoj 25.06.2015. godine, donijela je

ODLUKU

**O DAVANJU SAGLASNOSTI ZA IMENOVANJE
DIREKTORA JAVNE USTANOVE "PRVA OSNOVNA
ŠKOLA" ILIDŽA**

I

Daje se saglasnost Školskom odboru Javne ustanove "Prva osnovna škola" Ilidža da se Čelović Arif, profesor islamske vjeronauke, imenuje za direktora Škole.

II

Ova Odluka će se objaviti u "Službenim novinama Kantona Sarajevo".

Broj 02-05-18376-25/15	Premijer
25. juna 2015. godine	Elmedin Konaković, s. r.
Sarajevo	

Na osnovu člana 26. i 28. stav 2. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14) i člana 4. stav 1. Odluke o uslovima i načinu pokretanja nove stambene izgradnje u skladu sa prostorno-planskom dokumentacijom na području Kantona Sarajevo ("Službene novine Kantona Sarajevo", broj 13/08 i 14/10), Vlada Kantona Sarajevo na Osmoj sjednici održanoj 28.05.2015. godine, donijela je

ODLUKU

**O KATEGORIJI LICA, USLOVIMA I KRITERIJIMA ZA
RJEŠAVANJE STAMBENOG PITANJA PUTEM
KUPOVINE STANA POD POVOLJNIJIM USLOVIMA**

I

(Predmet odluke)

Odlukom o kategoriji lica, uslovima i kriterijima za rješavanje stambenog pitanja putem kupovine stana pod povoljnijim uslovima (u daljem tekstu: Odluka) propisuje se kategorija lica, uslovi, kriteriji za utvrđivanje rang liste, postupak podnošenja zahtjeva i utvrđivanja rang liste i način finansiranja za rješavanje stambenog pitanja putem kupovine stana pod povoljnijim uslovima, koje obezbjeđuje Vlada Kantona Sarajevo (u daljem tekstu: Vlada), a po osnovu realizacije projekta "Predinvestiranje u imovinsko-pravno rješavanje i izgradnje primarne materijalne infrastrukture za pokretanje nove stambene izgradnje u skladu sa prostorno-planskom dokumentacijom na području Kantona Sarajevo".

II

(Značenje pojedinih termina)

Termini upotrijebljeni u ovoj Odluci imaju sljedeća značenja:

- "Kupovina stana pod povoljnijim uslovima" - je obezbjeđenje uslova sticanja vlasništva stana pod povoljnijim uslovima od tržišnih,
- "Lice koje nema riješeno stambeno pitanje" - je lice koje samo kao i članovi njegovog porodičnog domaćinstva, osim ako živi kod roditelja, nisu vlasnici stana ili porodične kuće i nisu nosioci stanarskog prava u mjestu rođenja na području Bosne i Hercegovine i teritoriji Kantona Sarajevo,
- "Najviše ratno priznanje" - je priznanje utvrđeno u skladu sa odredbama Zakona o dopunskim pravima boraca/branitelja Bosne i Hercegovine ("Službene novine Kantona Sarajevo", broj 45/12 - Prečišćeni tekst i 26/14),
- "Invalidnost" - je invalidnost čiji je procenat utvrđen u skladu sa odredbom člana 18b. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06 i 14/09) i odredbama člana 22., a u vezi sa čl. 23.-29. Zakona o penzijskom i invalidskom osiguranju ("Službene novine Federacije BiH", br. 29/98, 49/00, 32/01, 73/05, 59/06, 4/09 i 55/12),
- "Član porodičnog domaćinstva" - je bračni ili vanbračni partner, dijete rođeno u braku ili van braka, usvojenik i drugo lice koje je podnositelj zahtjeva dužan izdržavati, a živi sa imenovanim u zajedničkom domaćinstvu u zadnje tri godine,
- "Bračna zajednica" - je zakonom uređena zajednica života žene i muškarca, u smislu člana 6. Porodičnog zakona Federacije Bosne i Hercegovine ("Službene novine Federacije BiH", br. 35/05 i 41/05),
- "Vanbračna zajednica" - je zajednica života žene i muškarca koji nisu u braku ili vanbračnoj zajednici sa drugom osobom, koja traje najmanje tri godine ili kraće ako je u njoj rođeno zajedničko dijete, u smislu člana 3. Porodičnog zakona Federacije Bosne i Hercegovine ("Službene novine Federacije BiH", br. 35/05 i 41/05),
- "Investitor" - je pravno ili fizičko lice u čije ime i za čiji račun se gradi građevina i vrše drugi zahvati u prostoru.

III
(Kategorija lica)

Ovom Odlukom rješava se stambeno pitanje građana Kantona Sarajevo od punoljetstva do 50 godina starosti putem kupovine stana pod povoljnijim uslovima u vremenskom intervalu od juna 2015. godine do juna 2016. godine, za stanove koje Vlada obezbijedi za ovaj način rješavanja stambenog pitanja u istom periodu.

IV

(Uslovi za rješavanje stambenog pitanja putem kupovine stana pod povoljnijim uslovima)

- (1) Uslove koje kandidat za rješavanje stambenog pitanja putem kupovine stana pod povoljnijim uslovima mora ispuniti, su:
 - a) da je starosne dobi od punoljetstva do 50 godina,
 - b) da je državljanin Bosne i Hercegovine sa prebivalištem na području Kantona Sarajevo u toku posljednje tri godine,
 - c) da nema riješeno stambeno pitanje.
- (2) Javne isprave izdate od ovlaštenog organa koje kandidat dostavlja kao dokaz da ispunjava uslove iz stava (1) ove tačke su:
 - a) izvod iz matične knjige rođenih,
 - b) uvjerenje o državljanstvu,
 - c) uvjerenje Ministarstva unutrašnjih poslova o kretanju,
 - d) uvjerenje nadležnog suda da kandidat i članovi njegovog porodičnog domaćinstva nisu vlasnici stana ili porodične kuće u mjestu rođenja na području Bosne i Hercegovine i na području Kantona Sarajevo,
 - e) potvrda izdata od nadležnog organa (Kantonalni stambeni fond Sarajevo i nadležni organ u mjestu rođenja), da podnosilac zahtjeva i članovi njegovog porodičnog domaćinstva nisu nosioci stanarskog prava na području Kantona Sarajevo i u mjestu rođenja na području Bosne i Hercegovine.

V

(Kriteriji za utvrđivanje rang liste)

Kriteriji za određivanje broja bodova i utvrđivanja reda prvenstva kandidata su:

- a) starosna dob,
- b) stepen stručne spreme,
- c) deficitarnost kadrova,
- d) broj članova porodičnog domaćinstva,
- e) boravak na području Bosne i Hercegovine i učešće u Oružanim snagama Republike Bosne i Hercegovine,
- f) nosilac najvišeg ratnog priznanja,
- g) stepen invalidnosti,
- h) priznati naučni rad, kulturni nastup i izložba, sportski i profesionalni uspjeh, te renomirano svjetsko, evropsko i drugo javno priznanje za rezultat u radu,
- i) zajedničko apliciranje bračnih ili vanbračnih partnera.

VI

(Starosna dob kandidata)

Broj bodova koji se dodjeljuje po osnovu kriterija starosna dob kandidata je:

- a) do 35 godina starosti 15 bodova,
- b) od 35 do 40 godina starosti 10 bodova,
- c) od 40 do 50 godina starosti 5 bodova.

VII

(Stručna sprema kandidata)

Broj bodova koji se dodjeljuje po osnovu kriterija stepen stručne spreme je:

- a) doktor nauka 30 bodova,
- b) magistar nauka 25 bodova,
- c) VSS, prvak opere, drame i baleta 20 bodova,
- d) VSS 15 bodova,
- e) SSS 10 bodova,
- f) NS 5 bodova.

VIII

(Deficitarnost kadrova)

Broj bodova koji se dodjeljuje po osnovu kriterija deficitarnost kadrova, što kandidat dokazuje potvrdom Službe za

zapošljavanje Kantona Sarajevo da na evidenciji nezaposlenih nema odgovarajućeg kadra 5 bodova.

IX

(Broj članova porodičnog domaćinstva)

Broj bodova koji se dodjeljuje po osnovu kriterija broj članova porodičnog domaćinstva, što kandidat dokazuje izvodom iz matične knjige rođenih za članove porodičnog domaćinstva, za svakog člana porodičnog domaćinstva 3 boda.

X

(Boravak na području Bosne i Hercegovine)

(1) Broj bodova koji se dodjeljuje po osnovu kriterija boravak na području Bosne i Hercegovine i učešće u Oružanim snagama Republike Bosne i Hercegovine je:

- a) za svako pola godine provedeno na području Kantona Sarajevo u periodu trajanja ratnog stanja (20.04.1992. do 20.12.1995. godine), što kandidat dokazuje potvrdom obrazovne ustanove koju je pohađao u tom periodu ili uvjerenjem o kretanju Ministarstva unutrašnjih poslova 3 boda,
 - b) za svaku godinu provedenu na području Kantona Sarajevo izvan perioda trajanja ratnog stanja (20.04.1992. do 20.12.1995.), od dana punoljetstva do dana apliciranja na javni poziv po ovoj Odluci, što kandidat dokazuje uvjerenjem o kretanju Ministarstva unutrašnjih poslova . . . 2 boda,
 - c) Za svako pola godine učešća u Oružanim snagama Republike Bosne i Hercegovine u periodu trajanja ratnog stanja (20.04.1992. do 20.12.1995.), što kandidat dokazuje uvjerenjem izdatim od nadležnog organa. 2 boda.
- (2) Maksimalan broj bodova po svim elementima iz stava (1) ove tačke je 40 bodova.

XI

(Najviše ratno priznanje)

Broj bodova koji se dodjeljuje po osnovu kriterija nosilac najvišeg ratnog priznanja, što kandidat dokazuje uvjerenjem izdatim od nadležnog organa je 10 bodova.

XII

(Stepen invalidnosti)

(1) Broj bodova koji se dodjeljuje po osnovu kriterija stepen invalidnosti u skladu sa odredbom člana 18b. Zakona o osnovama socijalne zaštite, zaštite civilnih žrtava rata i zaštite porodice sa djecom, što kandidat dokazuje uvjerenjem izdatim od nadležnog organa, je:

- a) za invalida sa 20-30% invaliditeta 2 boda,
- b) za invalida sa 30-40% invaliditeta 3 boda,
- c) za invalida sa 40-50% invaliditeta 4 boda,
- d) za invalida sa više od 60% invaliditeta 5 bodova,
- e) za svakih narednih 10% invalidnosti dodaje se po . . . 5 bodova.

- (2) Broj bodova koji se dodjeljuje po osnovu kriterija stepen invalidnosti u skladu sa odredbama člana 22., a u vezi sa čl. 23.-29. Zakona o penzijskom i invalidskom osiguranju, što kandidat dokazuje uvjerenjem izdatim od nadležnog organa, je:
- a) za I kategoriju invalidnosti 10 bodova
 - b) za II kategoriju invalidnosti 5 bodova.

XIII

(Priznati naučni rad, kulturni nastup i izložba, sportski i profesionalni uspjeh, te renomirano svjetsko, evropsko i drugo javno priznanje za rezultat u radu)

(1) Broj bodova koji se dodjeljuje po osnovu kriterija priznati naučni rad, kulturni nastup i izložba, sportski i profesionalni uspjeh, te renomirano svjetsko, evropsko i drugo javno priznanje za rezultat u radu je:

- a) osvajač medalje na svjetskom prvenstvu i olimpijadi u sportu ili osvajač svjetskog renomiranog priznanja i nagrade u oblasti nauke, tehnike, kulture, umjetnosti i informatike uključujući i priznanja umjetničke kritike . 5 bodova

- 1) osvajač zlatne medalje (max. tri medalje) . . 1 bod
- 2) na broj bodova iz tačke a) dodaje se broj bodova iz alineje 1),

- b) doprinos kroz patent dokazan ili certificiran od strane ovlaštene institucije i doprinos u nauci, tehnici i tehnologiji kroz inovaciju dokazanu ili certificiranu od strane ovlaštenih institucija 5 bodova,
- c) osvajač medalje na evropskom prvenstvu u sportu ili osvajač evropskog renomiranog priznanja i nagrade u oblasti nauke, tehnike, kulture, umjetnosti i informatike uključujući i priznanje umjetničke kritike 3 boda
- 1) osvajač zlatne nagrade (max. tri nagrade) . . . 1 bod
- 2) na broj bodova iz tačke c) dodaje se broj bodova iz alineje 1),
- d) osvajač medalje na regionalnom i na državnom prvenstvu u sportu ili osvajač regionalnog priznanja i nagrade u oblasti nauke, tehnike, kulture, umjetnosti i informatike uključujući i priznanje umjetničke kritike 2 boda
- 1) osvajač prvog mjesta (max. tri prva mjesta) . . . 1 bod
- 2) na broj bodova iz tačke d) dodaje se broj bodova iz alineje 1).
- (2) Maksimalan broj bodova po svim elementima iz stava (1) ove tačke je 10 bodova.
- (3) Kao dokaz za dodjelu bodova po kriteriju iz stava (1) ove tačke kandidat dostavlja ispravu odnosno mišljenje nadležne institucije iz pojedinih oblasti.

XIV

(Zajedničko apliciranje bračnih ili vanbračnih partnera)

- (1) Bračni ili vanbračni partner aplicira zajedno jednom aplikacijom, uz ovjerenu izjavu koji će od njih biti podnositelj zahtjeva.
- (2) U slučaju da bračni ili vanbračni partner podnosi zahtjeva ispunjava uslove iz tačke IV ove Odluke, na broj bodova koje dobije podnositelj zahtjeva po osnovu kriterija iz tačke VI, VII, VIII, X, XI, XII i XIII ove Odluke, dodaje se jedna trećina bodova koje po istim kriterijima dobije njegov bračni ili vanbračni partner.

XV

(Redoslijed na rang listi u slučaju jednakog broja bodova)

U slučaju jednakog broja bodova, prednost na rang listi se daje kandidatu koji je dobio veći broj bodova prema redoslijedu kriterija iz tačke V ove Odluke.

XVI

(Postupak podnošenja zahtjeva i utvrđivanja rang liste za rješavanje stambenog pitanja putem kupovine stana pod povoljnijim uslovima)

- (1) Postupak podnošenja zahtjeva i utvrđivanja rang liste za rješavanje stambenog pitanja putem kupovine stana pod povoljnijim uslovima se realizuje po slijedećoj proceduri:
- a) zahtjev za rješavanje stambenog pitanja putem kupovine stana pod povoljnijim uslovima sa dokazima o ispunjavanju uslova iz tačke IV ove Odluke i kriterija iz tačke V ove Odluke kandidat podnosi Komisiji koju imenuje Ministar prostornog uređenja, građenja i zaštite okoliša Kantona Sarajevo (u daljem tekstu: ministar), na osnovu javnog poziva koji raspisuje Ministarstvo prostornog uređenja, građenja i zaštite okoliša Kantona Sarajevo (u daljem tekstu: Ministarstvo) i objavljuje u jednom od dnevnih novina, na oglasnoj ploči Kantona Sarajevo i web stranici Kantona Sarajevo,
- b) Komisija, po prijemu zahtjeva, provjerava ispunjenost uslova iz tačke IV ove Odluke na osnovu dostavljene relevantne dokumentacije i isprava priloženih uz zahtjev,
- c) Komisija odbacuje kao neuredan zahtjev kandidata koji ne ispunjava uslove iz tačke IV ove Odluke,
- d) Komisija vrši bodovanje kandidata u skladu sa kriterijima iz tač. VI-XIV ove Odluke i utvrđuje nacrt rang liste,
- e) nacrt rang liste se objavljuje na oglasnoj ploči Kantona Sarajevo i web stranici Kantona Sarajevo. Na nacrt rang liste kandidat može Komisiji uložiti prigovor, uz odgovarajući dokaz, u roku od sedam dana od dana objavljivanja nacrta rang liste. Komisija razmatra prigovor nakon čega informiše podnosioca prigovora o donesenoj odluci po prigovoru i utvrđuje prijedlog rang liste koji dostavlja ministru,

- f) konačnu rang listu utvrđuje ministar i objavljuje je na oglasnoj ploči Kantona Sarajevo i na web stranici Kantona Sarajevo i dostavlja investitoru sa kojim su obezbjeđene stambene jedinice za ovaj način rješavanja stambenog pitanja,
- g) u javnom pozivu iz tačke a) ovog stava utvrđuje se da ukoliko po konačnoj rang listi ne bude izvršena kupoprodaja svih raspoloživih stambenih jedinica, zainteresirani kandidati svakog narednog mjeseca podnose zahtjev Komisiji na osnovu javnog poziva koji će biti objavljen na oglasnoj ploči Kantona Sarajevo i web stranici Kantona Sarajevo,
- h) Komisija na kraju svakog mjeseca utvrđuje prijedlog rang liste za kandidate iz tačke g) ovog stava i istu dostavlja ministru koji utvrđuje konačnu rang listu i objavljuje je na oglasnoj ploči Kantona Sarajevo i web stranici Kantona Sarajevo i dostavlja je investitoru sa kojim su obezbjeđene stambene jedinice za ovaj način rješavanja stambenog pitanja.

- (2) Ministar svakih šest mjeseci Vladi podnosi izvještaj o provedenim aktivnostima iz stava (1) ove tačke.

XVII

(Način finansiranja)

- (1) Ministarstvo zaključuje Sporazum sa investitorom kojim se utvrđuje broj, struktura i prodajna cijena po m² obezbjeđenih stambenih jedinica, za rješavanje stambenog pitanja putem kupovine stana pod povoljnijim uslovima kandidata sa konačne rang liste.
- (2) Saglasnost za zaključivanje Sporazuma daje Vlada na prijedlog Ministarstva.
- (3) Način finansiranja kupovine stana pod povoljnijim uslovima utvrđuje investitor i odabrani kandidat sa rang liste, a veličina stana ne može biti veća od trosobnog stana ili stana površine 80 m².

XVIII

(Zabrana otuđenja stana)

Zabranjuje se kandidatu koji je izvršio kupovinu stana u skladu sa ovom Odlukom da predmetni stan otuđi na bilo koji način u roku od pet godina od dana useljenja u isti, a kandidat je saglasan da se ova zabrana upiše u zemljišne knjige bez njegovog znanja.

XIX

(Ravnopravnost spolova)

Gramatička terminologija u ovoj Odluci podrazumijeva uključivanje oba spola.

XX

(Raniji propisi)

Danom stupanja na snagu ove Odluke prestaje da važi Odluka o kategoriji lica, uslovima i kriterijima za rješavanje stambenog pitanja putem kupovine stana pod povoljnijim uslovima ("Službene novine Kantona Sarajevo", broj 22/14).

XXI

(Stupanje na snagu ove Odluke)

Ova Odluka stupa na snagu davanjem saglasnosti Skupštine Kantona Sarajevo i objavit će se u "Službenim novinama Kantona Sarajevo".

Broj 02-05-16501-4.1/15
28. maja 2015. godine
Sarajevo

Premijer
Elmedin Konaković, s. r.

Na osnovu člana 26. i 28. stav 3. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 62. Zakona o namještenicima u organima državne službe u Federaciji Bosne i Hercegovine ("Službene novine Federacije BiH", broj 49/05), na prijedlog Ministarstva pravde i uprave Kantona Sarajevo, Vlada Kantona Sarajevo, na 10. sjednici održanoj 25.06.2015. godine, donijela je

prirodnog gasa, nema realnog plana i dr.). Kanton Sarajevo treba insistirati na odlukama/planovima vezano za realizaciji projekata za rješavanje energetske sigurnosti u Bosni i Hercegovini, a činjenica, da potrošnja gasa u Kantonu Sarajevo iznosi cca. 2/3 potrošnje u FBiH i da potrošnja električne energije iznosi cca. 1/6 potrošnje u FBiH, dodatno upućuje na odgovornost/pravo. Urednost snabdijevanja prirodnim gasom, također je, i u funkciji rješavanja aktuelnog velikog duga KJKP Toplane-Sarajevo d.o.o. Sarajevo, te i u funkciji operacionalizacije sporazuma o regulisanju ratnog duga od 104,81 mil. USD. Za situaciju poremećaja u energetskom snabdijevanju Kantona Sarajevo - nužno je provođenje aktivnosti iz tačke 7. ovog bilansa.

S obzirom da Kanton Sarajevo ne raspolaže sa dokumentom koji jasno ukazuje na potencijalne resurse za proizvodnju električne i toplotne energije, a isti je osnova za razvoj u energetskom sektoru Kantona Sarajevo, planirana je izrada Studije iz tačke 6. ovog bilansa, u periodu 2015./2016. godina.

Za sistemsko uređenje oblasti energetike i brži razvoj energetike uopšte, donošenje potrebne ligislative i regulative u ovoj oblasti zahtjeva hitnost. Rast cijena energije na svjetskom tržištu pokrenuo je u najrazvijenijim zemljama velike aktivnosti na korištenju obnovljivih izvora energije, te je i u Kantonu Sarajevo potrebno/nužno inicirati/pokrenuti ove aktivnosti/projekte, kao i podržati inicijative potencijalnih investitora u oblasti energetike.

Na osnovu člana 18. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04) i člana 4. stav (1) Odluke o uslovima i načinu pokretanja nove stambene izgradnje u skladu sa prostorno-planskom dokumentacijom na području Kantona Sarajevo ("Službene novine Kantona Sarajevo", br. 13/08 i 14/10), Skupština Kantona Sarajevo, na sjednici održanoj dana 29.06.2015. godine, donijela je

ODLUKU

O DAVANJU SAGLASNOSTI NA ODLUKU VLADE KANTONA SARAJEVO BROJ 02- 05-16501-4.1/15 OD 28.05.2015. GODINE O KATEGORIJI LICA, USLOVIMA I KRITERIJIMA ZA RJEŠAVANJE STAMBENOG PITANJA PUTEM KUPOVINE STANA POD POVOLJNIJIM USLOVIMA

Član 1.

Daje se saglasnost na Odluku Vlade Kantona Sarajevo broj 02-05-16501-4.1/15 od 28.05.2015. godine, o kategoriji lica, uslovima i kriterijima za rješavanje stambenog pitanja putem kupovine stana pod povoljnijim uslovima.

Član 2.

Ova odluka stupa na snagu danom objavljivanja u "Službenim novinama Kantona Sarajevo".

Broj 01-05-19104/15
29. juna 2015. godine
Sarajevo

Predsjedavajući
Skupštine Kantona Sarajevo
Sejo Bukva, s. r.

Na osnovu čl. 13. tačka b. i 18. tačka d. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 31/04), člana 27. Zakona o ustanovama ("Službeni list RBiH", br. 6/92, 8/93 i 13/94) i člana 170. Poslovnika Skupštine Kantona Sarajevo ("Službene novine Kantona Sarajevo", br. 41/12 - Drugi novi prečišćeni tekst, 15/13 i 47/13), Skupština Kantona Sarajevo, na sjednici održanoj dana 29.06.2015. godine, donijela je

ODLUKU

O DAVANJU SAGLASNOSTI NA PROGRAM RADA I FINANSIJSKI PLAN ZA 2015. GODINU, JAVNE USTANOVE OPĆA BOLNICA "PRIM. DR. ABDULAH NAKAŠ"

I

Daje se saglasnost na Program rada i finansijski plan za 2015. godinu Javne ustanove Opća bolnica "Prim. dr. Abdulah Nakaš".

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-19107/15
29. juna 2015. godine
Sarajevo

Predsjedavajući
Skupštine Kantona Sarajevo
Sejo Bukva, s. r.

Na osnovu člana 27. Zakona o ustanovama ("Službeni list R BiH", broj 6/92, 8/93 i 13/94), Odluke o metodologiji izrade i donošenja programa rada sa finansijskim planom i izvještaja o radu i finansijskom poslovanju javnih zdravstvenih ustanova Kantona Sarajevo ("Službene novine Kantona Sarajevo", broj 23/09) i člana 20. Statuta Javne ustanove Opće bolnica "Prim. dr. Abdulah Nakaš", Upravni odbor Javne ustanove Opće bolnica "Prim. dr. Abdulah Nakaš" dana 09.04.2015. godine usvojio je

PROGRAM RADA

I FINANSIJSKI PLAN PRIHODA I RASHODA ZA 2015. SA PROJEKCIJOM FINANSIJSKOG PLANA ZA 2016. I 2017. GODINU

I - PROGRAM RADA

A. UVOD

Opća bolnica "Prim. dr. Abdulah Nakaš" (u daljem tekstu Opća bolnica) je javna zdravstvena ustanova namijenjena za pružanje specijalističko-konsultativne i bolničke zdravstvene zaštite sekundarnog i dijelom tercijarnog nivoa, a na osnovu referalnog upućivanja iz primarne zdravstvene zaštite, privatnog sektora ili na vlastiti zahtjev korisnika zdravstvene usluge. Opća bolnica sa svojim kadrovskim i materijalno-tehničkim uslovima omogućava pružanje zdravstvene zaštite pacijentima prvenstveno Kantona Sarajevo a i šire, pored navedenog bolnica i zbrinjavanje infektivnog otpada za vlastite i potrebe drugih korisnika.

Javna ustanova Opća bolnica "Prim. dr. Abdulah Nakaš" osnovana je odlukom o preuzimanju prava i obaveza osnivača i uskladjivanju organizacije i poslovanja JU Opća bolnica "Prim. dr. Abdulah Nakaš" ("Službene novine Kantona Sarajevo", broj 7/12).

Sjedište Javne ustanove Opća bolnica "Prim. dr. Abdulah Nakaš" je ulica Silvije Strahimira Kranjčevića broj 12, Sarajevo. Identifikacioni broj je 4200288400001.

U toku 2014. godine ostvareni je dio ciljeva i strateških opredjeljenja dok se dio prenosi u 2015. godinu tako da u toku 2015. godini u okviru postojećih i eventualno novih izvora planiramo:

- Održavanje postignutog nivoa higijenskih uslova kako za bolesnike tako i za uposlenike u skladu sa Pravilnikom o uslovima i načinu provođenja mjera za suzbijanje bolničkih infekcija
- Puštanje u rad MRI kako bi pacijenti po prvi put u ovoj bolnici dobili ovu vrstu usluge
- Nastavak krećenja preostalih prostora koji nisu osvježeni u 2014. godini
- Realizacija projekta, Upravljanje otpadom i sprečavanje nastanka opasnih i otrovnih tvari na području Kantona Sarajevo adekvatnim zbrinjavanjem infektivnog otpada" u